



МОНГОЛ УЛСЫН
ЭРҮҮЛ МЭНДИЙН САЙДЫН
ТУШААЛ

2017 оны 09 сарын 19 өдөр

Дугаар А/367

Улаанбаатар хот

Өрхийн эрүүл мэндийн төвийг
сонгон шалгаруулах журам
шинэчлэн батлах тухай

Монгол Улсын Засгийн газрын тухай хуулийн 24 дүгээр зүйлийн 2, Эмнэлгийн тусlamж, үйлчилгээний тухай хуулийн 5 дугаар зүйлийн 5.4 дэх хэсгийг тус тус үндэслэн ТУШААХ нь:

1. “Өрхийн эрүүл мэндийн төвийг сонгон шалгаруулах журам”-ыг хавсралтаар баталсугай.
2. Тушаалын хэрэгжилтийг хангаж арга зүйн дэмжлэг үзүүлж ажиллахыг Эмнэлгийн тусlamжийн газар /Я.Буянжаргал/, аймаг, нийслэлийн Эрүүл мэндийн газрын дарга нар, Мэргэжлийн салбар зөвлөл /С.Сонин/, тушаалын хэрэгжилтэд хяналт тавьж ажиллахыг Хяналт-шинжилгээ, үнэлгээ, дотоод аудитын газар /Б.Баярт/-т тус тус үүрэг болгосугай.
3. Энэхүү тушаал гарсантай холбогдуулан 2012 оны “Өрхийн эрүүл мэндийн төвтэй холбоотой зарим арга хэмжээний тухай” 26 дугаар тушаалын нэгдүгээр хавсралтыг хүчингүйд тооцсугай.

САЙДЫН ҮҮРЭГ
ГҮЙЦЭТГЭГЧ



А.ЦОГЦЭЦЭГ

081186

Эрүүл мэндийн сайдын
2017 оны 08 сарын 19-ны өдрийн
1367 дугаар тушаалын хавсралт

**Өрхийн эрүүл мэндийн төвийг сонгон
шалгаруулах журам**

Нэг. Нийтлэг үндэслэл

1.1 Энэхүү журам нь хот, суурин газрын хүн амд өрхийн эрүүл мэндийн тусlamж, үйлчилгээг гэрээгээр гүйцэтгэх өрхийн эрүүл мэндийн төвийн багийг (цаашид баг гэх) сонгон шалгаруулах үйл ажиллагааг зохицуулахад чиглэгдэнэ.

1.2 Эрүүл мэндийн тухай хууль, Эмнэлгийн тусlamж, үйлчилгээний тухай хууль, Нөхөрлөлийн тухай хууль, Компаний тухай хуулийг үндэслэн аймаг, нийслэлийн Эрүүл мэндийн газар өрхийн эрүүл мэндийн төвийг шинээр эсхүл ажиллаж буй өрхийн эрүүл мэндийн төвийн гүйцэтгэлийн гэрээ цуцлагдсан тохиолдолд өрхийн эрүүл мэндийн төвийг нөхөн сонгон шалгаруулахад энэхүү журмыг баримтална.

Хоёр. Сонгон шалгаруулах ажлын зохион байгуулалт

2.1 Өрхийн эрүүл мэндийн төвийн байршил, үйлчлэх хүрээг аймаг, нийслэлийн Эрүүл мэндийн газрын саналыг үндэслэн аймаг, нийслэлийн Засаг дарга тогтооно.

2.2 Аймаг, нийслэлийн Эрүүл мэндийн газар багийг сонгон шалгаруулах үйл ажиллагааг зохион байгуулна.

2.3 Сонгон шалгаруулах үйл ажиллагааг “Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай” болон холбогдох бусад хуулийн дагуу зохион байгуулна.

2.4 Сонгон шалгаруулалт хийх үнэлгээний хороо нь 9-өөс доошгүй хүний бүрэлдэхүүнтэй байх бөгөөд тус хорооны бүрэлдэхүүнд тухайн үйлчлэх хүрээний хүн амын төлөөлөл, Эрүүл мэндийн газрын анхан шатны тусlamж, үйлчилгээний асуудал хариуцсан мэргэжилтэн заавал байна.

2.5 Сонгон шалгаруулалт нь ил тод, нээлттэй, шударга байх зарчмыг баримтална.

2.6 Шаардлага хангасан баг нь сонгон шалгаруулалтад оролцох бүрэн эрхтэй.

2.7 Сонгон шалгаруулалттай холбоотой гарсан аливаа гомдол, маргааныг холбогдох хууль тогтоомжийн дагуу шийдвэрлэнэ.

2.8 Сонгон шалгаруулалтад тэнцсэн багтай хуулийн хугацаанд гэрээ байгуулж ажиллана.

Гурав. Сонгон шалгаруулалтад оролцох багт тавигдах шаардлага

3.1 Сонгон шалгаруулалтад оролцох баг нь нөхөрлөл хэлбэрээр байгуулагдсан бол “Нөхөрлөлийн тухай”, компани хэлбэрээр байгуулагдсан бол “Компаний тухай” хуулийн дагуу үүсгэн байгуулагдсан, хуулийн этгээд байна.

3.2 Баг нь Өрхийн эрүүл мэндийн төвийн дүрэмд зааснаар төвийн даргыг томилж, сонгон шалгаруулалтад оролцуулна.

3.3 Баг нь Өрхийн эрүүл мэндийн төвд үзүүлэх тусlamж, үйлчилгээний жагсаалтын дагуу эрүүл мэндийн тусlamж, үйлчилгээ үзүүлэх чадавхитай байна.

3.4 Баг нь Өрхийн эрүүл мэндийн төвийг хөгжүүлэх дунд хугацааны стратеги төлөвлөгөөтэй байна. Төлөвлөгөөнд дараах асуудлыг тусгасан байна. Үүнд:

3.4.1 Стратегийн зорилго, зорилтыг тодорхойлсон байх,

3.4.2 Байгууллагын эрхэм зорилго, хүн амын хамрах хүрээ, үйлчлэх хүн амын эрүүл мэндийн байдалд үнэлгээ, дүгнэлт өгч, үйл ажиллагааны зорилтолт түвшин, түүнд хүрэх үйл явц, цогц арга хэмжээг тодорхойлсон байх,

3.4.3 Үйлчилгээний нэр төрлийг нэмэгдүүлэх, хүртээмж, тасралтгүй байдал, чанарыг сайжруулах, үйлчилгээний чадавхийг дээшлүүлэх арга замыг тодорхойлсон, тэдгээрийг практикт нэвтрүүлэх үйл ажиллагааг төлөвлөсөн байх,

3.4.4 Байгууллагын үйл ажиллагааг мэдээллийн технологи, маркетинг, санхүүгийн удирдлагад суурилан удирдан явуулахаар төлөвлөсөн байх,

3.4.5 Төвийн хүний нөөцийг хөгжүүлэх, нийгмийн баталгааг хангах төлөвлөгөө, хэрэгжүүлэх арга замыг тодорхойлсон байх,

3.4.6 Өрхийн эрүүл мэндийн төвийн тусlamж, үйлчилгээний чанарын хөтөлбөрийг боловсруулж, чанарыг сайжруулах, үр дүнг дээшлүүлэх арга замыг тодорхойлж, магадлан итгэмжлэлд хамрагдах асуудлыг тусгасан байх,

3.4.7 Эмнэлгийн мэргэжилтний ёс зүйн хэм хэмжээг мөрдөж, мэргэжлийн үүргийг чанд биелүүлж, хамт олон баг бүрдүүлж ажиллахыг тодорхойлсон байх.

3.5 Баг нь Өрхийн эрүүл мэндийн төвийн бүтэц, үйл ажиллагааны стандартаар баталсан хүний нөөцийг бүрдүүлсэн байна. Үүнд:

3.5.1 Эмч, эмнэлгийн мэргэжилтэн нь эмчлэх, сувилах үйл ажиллагаа эрхлэх зөвшөөрөлтэй байх,

3.5.2 Тухайн багт ажиллах өрхийн эмчийн 50-иас доошгүй хувь нь өрхийн анагаах ухаанаар мэргэшсэн, эсвэл ерөнхий мэргэжлийн эмч, үлдсэн 50%-д уламжлалт анагаах ухаан, хүүхэд судлал, дотор судлал, эх барих, эмэгтэйчүүд

судлалын чиглэлээр мэргэшсэн байж ажиллаж болох бөгөөд эмчлэх үйл ажиллагаа эрхлэх зөвшөөрөлтэй байх,

3.5.3 Ерөнхий мэргэжлийн эмч ажиллуулах тохиолдолд мэргэжлээрээ 3-аас доошгүй жил ажилласан ажлын туршлагатай байх,

3.5.4 Нийгмийн эрүүл мэндийн ажилтан нь нийгмийн эрүүл мэндийн чиглэлээр суралцаж, мэргэшсэн, нийгмийн эрүүл мэндийн төсөл хөтөлбөрийг хэрэгжүүлэн ажиллаж байсан туршлагатай байх эсвэл нийгмийн эрүүл мэндийн төсөл хөтөлбөрийг хэрэгжүүлсэн туршлагатай эмч, сувилагч байж болно,

3.5.5 Сонгон шалгаруулалтад орох багийн гишүүн өмнө нь гэрээ цуцлагдсан өрхийн эрүүл мэндийн төвийн багийн гишүүнээр ажиллаж байсан байж болох бөгөөд мэргэжлийн болон ёс зүйн зөрчил гаргаагүй байх,

3.5.6 Сонгон шалгаруулалтад орох багийн гишүүд өмнө нь гэрээ цуцлагдсан өрхийн эрүүл мэндийн төвийн багийн гишүүнээр ажиллаж байсан тохиолдолд багийн бүрэлдэхүүний 60%-иас ихгүй байх.

3.6 Сонгон шалгаруулалтад оролцох хүсэлтэй баг нь дараахь баримт бичгийг бүрдүүлж сонгон шалгаруулалтад оролцно. Үүнд:

3.6.1 Сонгон шалгаруулалтад оролцох хүсэлт бүхий албан тоот,

3.6.2 Байгууллагын улсын бүртгэлийн гэрчилгээний хуулбар, нотариатаар баталгаажуулсан байх,

3.6.3 Багийн гишүүдийн хурлын тэмдэглэл, эх хувиар,

3.6.4 Өрхийн эрүүл мэндийн төвийг хөгжүүлэх дунд хугацааны стратеги төлөвлөгөөний төсөл,

3.6.5 Ажиллах эмч, эмнэлгийн мэргэжилтний эмчлэх, сувилах үйл ажиллагаа эрхлэх зөвшөөрлийн хуулбар,

3.6.6 Баг нь Өрхийн эрүүл мэндийн төвд үзүүлэх тусlamж, үйлчилгээний жагсаалтын дагуу эрүүл мэндийн тусlamж үзүүлэх чадавхтайг гэрчилсэн шаардлагатай баримт бичгүүд,

3.6.7 Сонгон шалгаруулалтад оролцох баг нь ямар нэг үйл ажиллагаа эрхэлдэг, эсвэл эрхэлж байсан бол зээл, өр авлагагүйг илэрхийлэх баримт, нотолгоог хавсаргасан байх,

3.6.8 “Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах” тухай хуульд заасан бусад баримт бичгүүд.

3.7 Сонгон шалгаруулалтад бүрдүүлсэн материалын үнэн бодит эсэхийг тухайн эмч, мэргэжилтэн баг хариуцах бөгөөд хуурамч баримт бүрдүүлсэн тохиолдолд холбогдох хууль, тогтоомжийн дагуу хариуцлага хүлээнэ.

ооОоо